

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

تذکره محاکمات

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تبلیغات

انجمن عدلیه دن تنظیم واعطا قلنان مذکره در:

موقع مزایده به وضع اولسان اموال مرهونه
ایچون غزیه به درج اولسان ورقه اعلانیه احاله
اولیه و قطعیه زمانلرینک درجیه ایکی دفعه اعلاندن
صرف نظر ایدلسی حقنده تجارت و نافعہ نظارت
جلیله سنک واقع اولان اشعاری اوزرینه مرهونانک
برقائمه به درج و برلکده اعلانی و ایکی دفعه اعلاندن
صرف نظر ایدلسی جائز اوله میه جفی جواباً اولجه
عدلیه نظارت جلیله سنندن نظارت مشارالیه ازبار
اولنمش ایدی. بوکره وارد اولوب انجمنه تودیع ایدیلان
۳۱۸ تاریخلی تذکره اخیر ده
مزاد قائمه لرینک منفرداً تنظیمی واعلانانک
آری آری اجراسی مقرر ایدوکی کوستر بلوب انجق
بهر اعلان ورقه سی ایچون مطبعه لره بشر غروش
و برلکده واحاله اولیه و قطعیه ایچون ایکی دفعه اعلان
اجرا قلمقده اولمسیله اکثریا دینی براییکی یوز غروشدن
عبارت اولان فقرای زراعت آرو آرو اوزر غروش
اعلان اجرتی و برملری کندولرینه پک آغمرکه جکندن
هر مالک موقع و حدودی و اوصاف سائره سی کوستر
یله رک جدول طرزنده ترتیب و تنظیم و مدت مزایده
ویوم احاله کی مشترک اولان خصوصات زیر جدولده
توجیداً تحریر و ترقیم اولنورق متعدد مدیونلرک
اموالی ایچون بر اعلان ورقه سی ایله بالا کتفا مصارف
اعلانیه تحقیف قلمقده اولدینی حالده آیدین ولایتی
محکمه استینافیه سی مدعی عمومیلکنجه اعلانانک
منفرداً تنظیمی خصوصنده اصرار ایدلکده اولدیغندن
بجمله بوابده کی مقصد قانونی نی تأمیننه کافی بولسان
بوقیل اعلانانک قبول و تخیمی لزوم سنک مذکور
مدعی عمومیلکه تبلیغیه برابر کیفیتک جریده محاکمه ده
درجی بیان وافاده قلمشدر. انجمنجه مقدما اتخاذ
اولنان قراردن مقصد، مزایده به واعلانانک اساس اولان
مزاد قائمه سنه متعدد مدیونلر اموالک درجی تعریفات
قانونیه ایفاسنجه تشویش معاملاتی موجب اوله جفی

جهتله جائز اوله میه جفی واحاله اولیه و قطعیه معاملانک
توجیدی احکام قانونیه به مخالف دوشه جکنی بیاندن
عبارت اولوب زراعت باقعه سنه مرهون اولوبده
مزایده به وضع اولسان اموال غیر منقوله نک موقع
و حدود و دونمی و اوصاف سائره سی کوستر یله رک
جدول طرزنده ترتیب و تنظیم و قانونا معین اولان
مدنلر بیان ایدیلرک متعدد مدیونلرک ماللری ایچون
بر اعلان ورقه سی تنظیم ایدلمسند بر مانع قانونی اولیوب
بوصورت مصارف اعلانیه نقطه سنندن زراعه ده موجب
منفعت اوله جفندن اولوجهله آیدین استیناف مدعی
عمومیلکنه تبلیغات اجراسیله کیفیتک جریده محاکم
عدلیه به درجی و بیان حالی متضمن نظارت مشارالیه
تذکره جوابیه تسطیری تذکر قلندی.

محاکمات و مقررات

در سعادت استیناف مدعی عمومیلکنده:

ارباب فساددن اولدینی ادعاسیله متهم بولنان
جیل لبنان اهلایسنندن غازیوری حقنده اصول
محاکمات جزائییه قانون سنک اوچیز یتیش برنجی
ماده سی موجبجه معامله مقتضیه ایضا و محاکمه
غیر علییه سی بالا اجرا نتیجه سننده مرقومک
قدس متصرفلنی معیتنده مستخدم ایکن بعض
دسالیس استعمالیه پارسه فرار ایتدیکی و بناء
علیه ارباب فساددن اولدینی ثابت اوله رق قانون
جزانک الی در درنجی ماده سنک ذیل و علاوه سی
حکمنه توفیقاً اعدامنه و اوتوز برنجی ماده قانونیه
منطوقنجه حقوق مدنیه دن اسقاطیله اموال
محجوزه سنک علی الاصول اداره ایتدیرلمسنه حکم
اولنمش و اصول محاکمات جزائییه قانون سنک اوچیز
یتیش یدنجی و اوچیز یتیش سکرنجی و اوچیز

سکسان برنجی ماده لر یله مواد سائره سی احکامنه
توفیق معامله اولنسی مرجعه بیلدیرلمش اولمغله
مذکور اوچیز یتیش سکرنجی ماده نک جمله
احکامندن اولدینی اوزره اعلان کیفیته ابتدار
اولنور.

محکمه تمیز استدعا دائره سنندن بروظیفه
ماده سننه متدائر تنظیم واعطا قلنان ۴ شباط
سنه ۳۱۸ تاریخلی اعلامدر:

انطالیه قصبه سننده ساکن تجاردن حاجی علی
رضا افندی ایله بینلرنده متکون دعویه دائر قونیه
تجارت محکمه سنندن استینافاً لاحق اولان ۳ اغستوس
سنه ۳۱۸ تاریخلی اعلامک تمیزی نی مستدعی قصبه
مذکوره سکنه سنندن و تجاردن متوفی مصطفی نافذ
افندی ورنه سنندن زوجیه سی عایشه و کریمه سی امینه
خانملرک مشترکاً و یردکاری عرفحال و متفرقاتی
باش مدعی عمومیلک مأوریت بهیه سنک مطالعه نامه سیله
برلشدر یله رک محکمه تمیز استدعا دائره سننده لدی التمد
قیق مدت و شروط قانونیه سنه موافق واعلام مذکور
وظیفه به متعلق اولمغله عرفحال مزبور بالقبول تدقیقات
تمیزی به اجراسنه ابتدار قلندی.
اعلام مذکورک خلاصه مالی مزبور تان عایشه
وامینه خانملرک فائض مقاوله سی حاوی امره محرر
برقطعه سنند موجبجه تجاردن شریف علی زاده لر
قومانییه سی ذمتنده غیر از تسلیم الاجقاری اولدینی
ادعا ایلدکاری قرق ایکی بیک التیوز طقسان ایکی
غروشک تأدییه سننه کفیل اولان تجاردن حاجی علی
رضا افندی دن تحصیل حقنده تکه سنجانگی تجارت
محکمه سننه بالمراجعه اقامه ایلدکاری دعوانک جریان
ایدن محاکمه غیابییه سی نتیجه سننده اوتوز سکرنج بیک
یوز طقوز غروشک کفیل مومی الیهدن حسب الکفاله
بالتحصیل مدعیان مزبور تانه اعطاسنه دائر لاحق
اولان حکم غیابی علینه مومی الیه جانبندن اعتراض

علی الحکم وقوعیه جریان ایدن محاکمه وجاهیه انناسنده معترض مومی الیه وکیلی دعوی واقعہ کفالتن منبعت وفائض طلبیدن عبارت اولوب کفالت واقعہ ایسه عقود عادیه دن معدود و بناء علیہ دعوی مذکورہ نک رؤتی محکمه تجارتک وظیفه سی خارجده اولدیغی درمیان ایتیش ایسده اساس دینک امور تجارتیه دن متولد اولسنه ومدعی علیک صفتی دخی تجارت بولنسنه منبعت رؤیت دعوائک محکمه تجارتک وظیفه سی داخلنده اولدیغنه واساس ماده حقننه تدقیقات وجاهیه بالا اجرا معترض علیهمانک کفیل معترض حاجی علی افندی یه خصوصتتری توجه ایده میجکنه بناء مدیون اصلیه مراجعتده مختار اولوق اوزره اعلام غیابینک جرح وابطالنه متدائر ذکر اولنان تجارت محکمه سندن صدور ایدن اعلام ابتدائیک قونیہ تجارت محکمه سنجہ استینافاً بالتدقیق مستند ادعا اولان سند کرچه امره محرر ایسده فائض مقاوله سنی مشتمل اولدینی ومورثینک وفاتیه مدعاهک بدل صلح اوله رق تدین ایدلیدی سندنده مصرح ایدوکی ودعوی حاضره حسب الکفاله کفیل مومی الیه حاجی علی رضا افندی علیهنده اقامه ایدلمش اولوب کفالت ایسه عقود عادیه دن بولندینی جهتله دعوی مذکورہ نک فصل ورؤتی تجارت محکمه سنک وظیفه سی خارجده اولدیغنه ابتداء اعلام مستأنف بهک بوجہ تدن طولانی فسحیلہ مستأنف لک عائد اولدینی محکمه یه مراجعتده مختاریتلرینه قرار ویرلیدکندن ومستدعی تمیزلرک اشبو قرار علیهنه لایحه لرندہ مندرج اعتراضلرینک خلاصه سی دخی ذات دعوی امره محرر سنده مستند ومعاملات تجارتیه دن متولد اولوق اعتباریه رؤیت وتدقیق محکمه تجارتک وظیفه سی داخلنده ایکن استیناف محکمه سنجہ برمنوال محرر قرار ویرلمی مغایر قانون ایدوکندن بئله اعلام استینافینک تقضی استدعاسندن ومطالعہ نامه نک مفادیده اعتراضات مسروودنک بجا ایدوکی بیاندن عبارت بولنشد.

ایجابی لدی المذاکره هر قدر مستند ادعا اولان امره محرر سند فائض مقاوله سنی حاوی ایسده دعوی واقعده مدعی علیہ اولان کفیل حاجی علی رضا افندی صفت تجارتیه دن حائز بولنسنه وکفالتی دخی معاملات تجارتیه دن منبعث بولنان بردن ایچون اولسنه منبعت دعوی مذکورہ نک رؤیت وتدقیق محکمه تجارتک وظیفه سی داخلنده اولدینی حالدہ اسباب محرر یه بناء محکمه تجارتیه عائد اولدیغنه قرار ویرلمی مغایر قانون کوردیکندن اصول محاکمات حقوقیه قانونک ایکویز اوتوز ایکنجی ماده سی موجبجه اعلام استینافینک تقضیه کیفیتک رؤتی

ضمننده قونیہ تجارت محکمه سنه اعاده سنه و اوجیوز قرق درت فروش اونیاره مصارف تمیز به نک بالآخره حقسنر چقه حق طرفه راجع اولوق اوزره اول امرده مستدعی تمیز عایشه وامینه خاتلردن انسنه ۴ شباط سنه ۳۹۸ تاریخده متفقاً قرار ویرلیدی.

عربکرتلغراف بخابره مأموری علی عونی افندی نک زوجہ سی عایشه خاتمک خانه سنه بال دخول اشیائی سرق ایلیدی ادعا اولنسندن طولانی جنایتله اتهام اولنان شریجی اوغلی عثمان بن محمدک اوج سنه مدته کورک قونلننه دائر ملاطیبه سنجای بدایت محکمه سی جزا دائره سندن ویریلان ۱۹۲ نومرولی اعلام زوجہ سی امنه قتل ایلده درسماده فرار ایلیدی ادعا اولنسندن دولای جنایتله اتهام اولنان خلیلک اون بش سنه مدته کورک قونلننه دائر درسمادت جنایت محکمه سندن ویریلان ۹۰ نومرولی اعلام زوجہ سی خدیجہ قتل ایلیدی ادعا اولنسندن دولای جنایتله اتهام اولنان اولوق قاضی اوغلی سلیمانک اون بش سنه مدته کورک قونلننه دائر جیل برکت سنجای بدایت محکمه سی جزا دائره سندن ویریلان ۴۲ نومرولی اعلام قسطنطین ولد یورکینک کیفیت قتلندن دولای جنایتله اتهام اولنان ایلیا ولد غراولک اون بش سنه مدته کورک قونلننه دائر ایلبصان سنجای بدایت محکمه سی جزا دائره سندن ویریلان قرق الی نومرولی اعلام چوبان مصطفی بن محمدک چفته تفنکی و دیمترینک درت عدد سیم مجیدی سنی غصب ایلیدی ادعا اولنسندن دولای جنایتله اتهام اولنان محمد بن قوجه صابینک اوج سنه مدته کورک قونلننه دائر قره سی سنجای بدایت محکمه سی جزا دائره سندن ویریلان طقوز یوز اوتوز درت نومرولی اعلام بکپازاری قصبه سنک پیکنه محله سندن جابرلی زاده حلمی وحمیدی افندی لک مسلحا خانه سنه بال دخول اشیائی سرق ایلدیکری ادعا اولنسنندن دولای جنایتله اتهام اولنان احمد وقره محمد ودمیر علی وحسن وحسین و بکرک اوجر سنه مدته کورک قونلننه دائر انقره ولایتی استیناف محکمه سی جزا دائره سندن ویریلان یوز اوتوز بر نومرولی اعلام محکمه تمیز جزا دائره سنجہ تصدیق اولنشد.

درسمادت جنایت محکمه سندن تنظیم واعطا قتلان اعلامدر:

اوجیوز اون طقوز سنه سی اغستوسنک التنجی

چهارشنبه کیجہ سی ساعت اوج یجی راده لرندہ غلطده عرب جامع شریفی محله سندن پنجیلر جاده سندن میرآلی احمد بکک خانه سندن آلت مخصوصه استعمالیه سرقته تصدی ایلدیکری ادعاییه مظنون اولان بککشرده قوجونک فرونده خیرکارلق ایدن اوتوز اوج یاشنده زعفرانیولیل محمد بن حاجی فیضاه وطوپخانه ده قردباش محله سندن طبله کارلق ایدن اوتوز بش یاشنده طاشکوبرلی یجی بن علی بککناشکک جنایتله اتهاملرینه دائر هیئت اتهامیه دن تنظیم قتلان مضبطه ایلہ استیناف مدعی عمومیلکنک ۲۷ کانون اول سنه ۳۹۹ تاریخ و ۷۵۸ نومرولی اتهامنامه سی اوراق متفرعه سیله معاً محکمه جنایته تودیع قلمغه بالمطالعہ تفصیلاتی اولباده طوتیلان ضبطنامہ دن مستبان اوله جنی اوزره اصول محاکمات جزائیہ قانونک باب نائینسنک فصل رابعده محرر اولان معاملات ابتدائیہ بعدالایفا اوجیوز اون طقوز سنه سی کانون نائینسنک اون دردنجی کونی مہملر توفیقخانه دن کتوردیلرک وکیللری یوسف جمال افندی نک ورود ایتدیکری ومہملرک یکدیگرینه عطف جرمده بولندقلری اکلاشلغلہ کندولرینک قبول وموافقتله وکیل تعیین قتلان واوراق دعوی بالمطالعہ مدافعیه مهیا اولدقلری سولیلان محکمه نزدندہ مستخدم دعوی وکیللردن سنی بک ایلہ واسیلایک افندی واستیناف مدعی عمومیلکی معاوئلردن عزتلو ادهم بک حاضر اولدقلری حالدہ اجرای محاکمه علیهنه بالابتدای مہملر ایلہ وکیلان مومی الہمایہ لازم کلان اخطارات قانونیه بعدالایفا هیئت اتهامیه مضبطه سیله اتهامنامه ضبط کاتی صدق افندی جانبندن قرائت اولندی.

مذکور مضبطه مظنون محمد بن حاجی فیضاه وخیانک آلت مخصوصه استعمالیه میرآلی احمد بکک خانه سندن سرقته تصدی ایتدیکری حقننه اوراق تحقیقیه ده محرر شهادات و فرار ایدرکن دردت ایدلری کی حاصل اولان دلائل وامارات اتهاملرینه کافی کورلش وحرکتلری قانون جزانک ایکویز اوتوزنجی ماده سنک علاوه سی دلائلیه ایکویز بکرمنجی ماده سی حکمی مستلزم افعال جنایتیه دن بولنش اولدیغندن جنایتله اتهاملرینه قرار ویرلیدی محرر واتهامنامه دخی مرقومانک اولوجهلہ متهم بولندقلری مسطر در.

اتهامنامه نک خلاصه سی جانب ریاستدن مہمان مرقومانہ توضیح ومعاون مومی الیه جانبندن دخی دعوائک تشریح اولنسنی مقب مہملر سولتدیر۔ لکنده بولنردن محمد برصالی کونی اقباشی غلطده کائن بر میخانه کیدرک الی ماهدنبری طالشقمده

اولدینی یجی نامندہ دیگر برکسنینی اوراده بولمش اولدیغندن مرقوم ایلہ براز عشرت ایتدکنصکره عرب جامع شریفی جوارندہ بولنان برقهوم خانه یه کیدوب ساعت ایکه به قدر اوراده اوتوردقلری مؤخرأ مرقوم یحیانک جیقوب کیتسی اوزرینه کندوسیده جیقوب زقاق دروننده برای استراحت اوتوردینی صرده برغبه لک ظهور ایتکله کندوسی دردت ایتدیکری واوزمان زیاده سیله کیف بولند یغندن نه اولدیغنک ونه سولیدیکنک فرقدنه اولیوب اثبوق اترتی کونی توفیقخانه ده عقلی باشنه کلدیکنی ودیدیکنی یحیانک حاضر بولنان شخص اولیوب یو یحیای اصلاطانیز وسولیدیکنی یحیانک زرده اولدیغنی بیلمز وکوتره من ایدوکنی بیان ویحی دخی وقعه یه مصادف اولان کونده متهم محمد ایلہ برلشمدرکری ومدعی شخصی احمد بکی طانیغنی کی خانه سی دخی بیلمز ایدوکنی ومرقوم محمد ایلہ الفنی اولدیغنی وفعل مدعایه قبول ایتیمجکی درمیان ایلدیلر.

علی هذاضابطه عدلیه تقریرلری وولیس فذلکسی ومرقومان حقنلرندہ اولان معاینه راپورلری اوقودرلیدی.

۲۶ اغستوس سنه ۳۹۹ تاریخلی بولنان تقریرده ایتکجی محمد ایلہ حلواجی یحیانک اوجیوز اون طقوز سنه سی اغستوسنک بکری التنجی کوننه مصادف اولان چهارشنبه کیجہ سی بکجی محمدک قهوه خانه سنده بر مقدار اوتوروب وکیزی کیزی قونوشوب مؤخرأ مذکور قهوه خانه نک قارشوسنده بولنان میرآلی احمد بکک تہی اولان خانه سی قیوسی میمنجی ایلہ کشاد ایدرک دروننه دخول ایتدیکری بالاستخبار مذکور خانه اطرافنک قوشادلسی وقبو آجیلوب برنجی قاته چقلمسی اوزرینه مرقومانک تراجه یه ناظر بنجره دن اتصالنده بولنان کراسته تاجری خرملبونک مفازہ سی کره متلری اوزرندن فرار ایتدیکلردن بالتعقیب بولنردن محمدک بش آرشون ارتقاعنده بولنان اینه دن کندوسی اشاغی به آدیغندن دردت ایدلیدی واستجوابنده رفیق یجی ایلہ برلکنده مذکور خانه یه کیدرکری ومرقوم یحیانک فرار ایتدیکنی سولیش وخانه مذکورک زقاق قیوسی عندالماینه میمنجی ایلہ کشاد ایدلیدکنک وخانه دروننده بولنان چاشیر دولانک شکست ایدیلرک دروننده کی چاشیرلرک بوغی دروننه وضع ایلہ اوطه ده براغلمش ایدوکنک اکلاشلمش اولدینی کی مرقوم محمدک اوزرندہ بر عدد پرکار ایلہ برده میمنجی ظهور ایلیدی اشعار و ۲۸ اغستوس سنه ۳۹۹ تاریخلی اولان تقریرده: تخری اولنان یحیانک طوپخانه طرفلرندہ بالتصادف اخذ وکرفت

اولدینی واستجوابنده عدم معلومات بیان ایتدیکری ازبار قلمش وفذلککده ده ایغنی ایتیمش اولنسندن طولانی فزاده موفق اوله میان ایتکجی محمدک عقب وقعه ده شهود مواجهه سندن لیلہ وقعه ده میخانه ده عشرت ایتکله ایکن یجی کندوسی چاغروب قهوه خانه یه کتدکنرندہ مرقومک [شوراده بر خانه وار قیوسی چالدم کیسه آجیدی بن آجدم کیدلم زنیاره لک ایدلم] دیه رگ اغفال ایتسنندن ناشی کندوسی دخی برابر کیدوب خانه دروننه دخول ایتدیکری صرده خانه ده کیسه بولنامش وایتدیکری کوردلی اوزرینه بنجره دن آتلاوب فرار ایدیکری ائنده کندوسنک دردت ایدلمش اولدیغنی ویحیانک دخی محمدی طانیغنی وفعل سرقندن معلوماتی بولندینی سولیش ایسه لردہ هر ایکسینک دخی سرقندن طولانی کلوب کیتش طاقندن اولدقلری بک اوغلی توفیقضاه مأمورینک ۱۱ ایلول سنه ۳۹۹ تاریخلی ذیل جواب یسندن اکلاشلمسيله وبنجره دن آتاملری نتیجه سی اوله رق آیاقلری زده لیسله سرقته تصدیلرینک تعیین ایتدیکری مسطور بولنشد.

(مابعدی کلجک نسخه یه)

کاملک فاطمہ یی ضرب ایلیدی اصولاً ثابت اوله مدیغندن برائتہ

صدق افندی نک قاپیکه اطاله لسان ایلیدی تحقق ایدمدیکندن برائتہ

قوجونک خرسونی ضرب ایلیدی ثابت اوله مدیغندن برائتہ

تحسین و ابراهیم افندی لک نیازی افندی یی ضرب ایلدیکری ثابت اوله مدیغندن برائتہ

نوری بن علیسنک حسینی ضرب ایلیدی ثابت اوله مدیغندن برائتہ

باصمه جی داویدک روسیه دولتی تبعه سندن استیانی ضرب ایلیدی ثابت اوله مدیغندن برائتہ

احمدخانک، ملک خاتمک خانه سی قیوسی طاشلیدی اصولاً ثابت اوله مدیغندن برائتہ

یل دکرمانندہ ساکن قهوه جی جوړه محمد و زوجہ سی مقبوله نک ادرنلی خیره خاتمک خانه سی طاشلادقلری ثابت اوله مدیغندن برائتہ

محمدک سیف الدین افندی نک دکانندن توتون سرق ایلیدی ثابت اوله مدیغندن برائتہ

علینک یورغانلری سرق ایلیدی اصولاً ثابت اولان محمد علینک اوج آی حبسنه وختام مدت جزائیسنده ضابطه جه کفالتہ ربطه

لامبونک دیمتری به اخافه صورتله تشهر سلاح ایلیدی تحقق ایتدیکندن برهفته حبسنه

اغونینک اموال منقوله سنه ایراث خسار ایدن قوجودن اونیش بشلک جزای نقدی اخذینہ حسینک یورکی یی ضرب ایلیدی ثابت اولدیغندن کندیسندن برلیرا الهرق مضروبہ ویرلسنه احمدنیم افندی به اطاله لسان ایدن عثمانک اون بش کون حبسنه

یورکی یی ضرب ایدن عبداللہدن برلیرا الهرق مرقوم یورکی به اعطاسنه

یانینک قوجنی سرق ایلیدی اکلاشیلان آتوتولک بریق آی حبسنه

حرم اسکله سندن قاقچی مولودک حاجی آرتینی ضرب ایلیدی ثابت اولدیغندن برهفته حبسنه

پولیس قومیسری علی افندی به اجرای وظیفه حالدہ اطاله لسان ایدن قاقچی ایشک برهفته حبسنه درسمادت، بک اوغلی واسکدار بدایت محکملری جزا دائره لرجه قرار ویرلشدر.

مجلسات دادگاه

دیادین قضای نای و بدایت محکمه سی رئیس اسماعیل حق واعضادن مستظللک وظیفه سنی ایفا ایدن مصطفی افندی لک بعض اوراق دعوائک مرور زمان ایلہ سقوطنه سببت ویرمش اولمزلندن ناشی مستظلق معاونی احمد افندی حقننه دخی تعقیبات قانونیه اجرا ایدلک اوزره مومی الہمک اجرای محاکمه لرینه عدلیه مفتشکلنک اشعاری اوزرینه عدلیه نظارت جلیه سندن مأذونیت اعطا واولوجهلہ محله تبلیغات مقتضیه اجرا قلمشدر.

الاعانات

امروزم استیناف مدعی عمومیلکنده:

یلومر قضاسنک مارکران قریلہ علی اوغلی محمد و برادری زاندارمه حسینک لیلأ ومسلحا آغیلرینه هجوم ایدرک مواشیسی غصب ومرقوم حسینی جرح ایتلرندن طولانی مظنون بولنلاردن مارسونی مزرعه سندن حمو محمود اوغلی ابراهیم وواہجین مزرعلی حسنک طورونی مصطفی و برادری احمد وسمیو قولک اوغلی مصطفی وحامونک اوغلی دیگر مصطفی وطوشکوار اوغلی حسین و اوغلی محمد والیاس اوغللری قر وعباس وبذی اوغلی علی نام شخصلرک فعل مذکورہ مجسمرله فرار ایتدیکری اولباده کی اوراق تحقیقیه ماللردن اکلاشلمش وحرکتلری قانون جزانک ایکویز بکری برنجی

ماده سی حکمی مستلزم مواد جنائیه دن اوله رق
ارزنجان سنجانی بدایت محکمه سی جزا دائره سنده
محا کمری اجرا قلنمق اوزره جنایتله اتهاملرینه
قرار ویرلمش اولدیغندن مرقومونک هر زرده
کوریلورلر ایسه دردستلریله محکمه مذکوره
توقیفخانه سنه تسلیم ایدملری لازم کله جکی بالجله
ضابطه عدلیه مأمورلرینک معلومی اولمق اوزره اشبو
اخذ و گرفت مذکره سی ارضروم هیئت اتهامیه سندن
بالتنظیم اعطا قلندی .

الشکرد قضاسنه تابع شیخان قریه لی علونک
آخوری دیواری دلهرک دروننه بالدخول اسینی
سرقته کوتوره جکری صرده مرقوم علو خبردار
اوله رق استرداد ایتک اوزره یانلرینه کتدیکنده
تفک قورشونیه جرح و قتل ایتلرندنظولای مظلون
بولنلرندن اسماعیل بن یمش وحامیک بن قاسونک
فعل مذکوره مجاسرتله فرار ایتدکاری اولباده کی
اوراق تحقیقه ماللرندن اکلاشلمش و حرکتلری
قانون جزانک یوز یمش دردنجی ماده سی حکمی
مستلزم افعال جنائیه دن اوله رق بایزید سنجانی
بدایت محکمه سی جزا دائره سنده محاکم لری اجرا
قلنمق اوزره جنایتله اتهاملرینه قرار ویرلمش
اولدیغندن مرقومانک هر زرده کوریلورلر ایسه
دردستلریله محکمه مذکوره توقیفخانه سنه تسلیم
ایدملری لازم کله جکی بالجله ضابطه عدلیه مأمورلرینک
معلومی اولمق اوزره اشبو اخذ و گرفت مذکره سی
ارضروم هیئت اتهامیه سندن بالتنظیم اعطا قلندی .

نجات بحریه محکمه سنده :

استانبولده بالی بازارنده بشکطاش اسکله سنده
ساکن ایکن تجارت بحریه محکمه سندن افلاسه حکم
اولنش اولان قهوه جی انسطاش امانولیدی ذمتنده
آلاجنی اثبات و یا موقتاً قبول و قید ایتدیرمش اولان
آلاجقورلرک قانوننامه تجارتک ۲۱۱ نجی و آتی ولی
ایدن ماده سی موجبجه مفلس طرفندن تکلیف
اوله جق قونقورداتونک مذاکره سی ایچون اشبو
بیگ اوچیز یکر می سنه سی تموزینک یکر منجی صالی
کونی محکمه مذکوره نک مصالح افلاسیه رؤیتنه
مخصوص اوطه سنه کلری اعلان اولنور .

ایکنجی نجات محکمه سنده :

چارشوی کیرده قالباچیلر باشنده ۲۰۷ نومرولی
دکانده مقیم خفاف اصنافدن ابراهیم شوقی افندینک
۱۲ تموز سنه ۳۲۰ تاریخندن اعتباراً اعلان افلاسه
و مصالح افلاسیه نک رؤیت و تسویه سی ضمتنده اعضا

محکمه دن سعادتلو رضا بکک ژوژ قومیسر و دعوی
وکیللرندن ایجیان قره بت افندی ایله سعدالدین بکک
موقت سندیک تعینلرینه و مغازه و دپوسنده موجود
امتع تجاریه سیله اشیا زائده بیتیه سنک تمهیرینه
واوراق و دفاترینک جلبه و کفالت مصدقه معتبره
ارائه ایده مدیکی تقدیرده حبس و توقیفه و بوباده کی
قرارک موقه اجراسنه ایکنجی تجارت محکمه سندن
قرار ویرلمش اولدیغندن قانوننامه تجارتک ۱۷۰ نجی
ماده سی موجبجه دائمی سندیکلر انتخاب اولنمق
اوزره اشبویک اوچیز یکر می سنه سی تموزینک یکر می
التنجی بازار ایتسی کونی ساعت یدی راده لرنده
اصحاب مطلوبک محکمه مذکوره نک مصالح افلاسیه
رؤیتنه مخصوص اوطه سنه کلری اعلان اولنور .

غلطه ده و یووده جاده سنده ۱۲۴ نومرولو دکانده
مقیم ساعت و مجور تجاریله مشغول طوماس
اقریادیسک ۶ تموز سنه ۳۲۰ تاریخندن اعتباراً اعلان
افلاسه و مصالح افلاسیه نک رؤیت و تسویه سی ضمتنده
اعضا ملازمی عزتلولو یاقو افندینک ژوژ قومیسر
و دعوی وکیللرندن ارشاق و واسیلاکی پنا کیدی
افندیلرک موقت سندیک تعینلرینه و مغازه سیله اشیا
زائده بیتیه سنک تمهیرینه و اوراق و دفاترینک جلبه
و کفالت معتبره ارائه ایلیمدیک تقدیرده حبس و توقیفه
و بوباده کی قرارک موقه اجراسنه ایکنجی تجارت
محکمه سندن قرار ویرلمش اولدیغندن قانوننامه تجارتک
۱۷۰ نجی ماده سی موجبجه دائمی سندیکلر انتخاب
اولنمق اوزره [۲۹ تموز سنه ۳۲۰] پنجشنبه کونی ساعت
الهی راده لرنده اصحاب مطلوبک محکمه مذکوره نک
مصالح افلاسیه رؤیتنه مخصوص اوطه سنه کلری
اعلان اولنور .

در سعادت تجارت محکمه سی اجرا دائره سنده :

« آدم برادرلر » ک نیسقولی پاپا لیغوری ذمتنده
ایکنجی محکمه تجارت اعلامیه الاجنی اولان ایچنه نک
تأمین استیفا سیچون مدیون مرقومک حمز ایدلمش
اولان طوزلی بالی ، طورشو و قونیاق و بوکا مائل
اموالک فروختی قرارلشدیرلمش اولدیغندن بموجب
قرار اموال مذکوره نک تموز رومینک اون یدنجی
جمعه ایتسی کونی ساعت درندن الی به قدر الاجه
حام قریبده خلیل خانی اوکنده ماموری مواجهه -
سند بالمزایده فروخت ایدیه جکندن اشتراسه طالب
اولنلرک یوم و وقت مزبورده محل مذکوره حاضر
بولنلری اعلان اولنور .

بک اوغلی بدایت محکمه سی اجرا دائره سنده :
وصفیه خانمک تجاردن محمد افندی به بک اوغلی
ایکنجی حقوق دائره سی اعلامیه محکوم به دینی اولان
معلوم المقدار مبالغک تأمین تسویه سی ضمتنده دین
مومی الیه عهده سنده وفاء مفروغ و فروختی محکوم
اولان طوبخانه ده قزغنجی محله سنده ساعتجی زقاغنده
تخمیناً ایکویوز قرق ذراع عرصه اوزرینه مبنی ایکی
قات اوله رق اوچر اوطه و برمطبخ ایله مشترک قیو
وبر مقدار بانجیبه مشتمل وقف ایکی باب اخشاب
خانه سی بوندن اقدم لدی المزیاده اون یدی بیسک
غروش التون ایچه بدل ایله طالبی عهده سنده تقرر
ایدنک موقتاً قرار داده سی کشیده قلنمش اولمغله
تاریخ اعلاندن اعتباراً اوتوز برکون ظرفنده یوزده
بش ضمیله طالب اولوب دها زیاده معلومات المقی
استیانلرک یوزده اون نسبتنده کی پی ایچلرینی مستصجا
بک اوغلی بدایت محکمه سی اجرا دائره سنه مراجعت
ایملری و اوتوز برنجی یعنی شهر اغستوسک یدنجی
جمعه ایتسی کونی ساعت سکر ییچی راده لرنده دخی
قرار داده قطعیسی کشیده اولنمق اوزره مذکور
خانه لریشکاهنده ماموری مواجهه سنده حاضر بولنلری
اعلان اولنور .

محکمه صغیر بدایت محکمه سی اجرا دائره سنده :

سماحتلو محمد نوری افندی حضر تارینک درسعا -
دنده صمیه قپوسی داخلنده حسین افا محله سنده
یدی قوله قپوسی جاده سنده مقیمه قادیقو قادین ایله
یانقو ذمتلرنده ایکی قطعه اعلام شرعی موجبجه
بالتولیه آله جفی اولان مبالغ معلومه نک اخذ و استیفا -
سی ضمتنده کفیللری محل مذکوره مقیم قادیقو
ایله طودورا کینک متصرف اولوب اولجه محجوز بولنان
مقری قریه سنده باغیر جاده سنده طرفینی شرقا
انجیرلی جاده سی ، غرباً طریق ، شمالاً کادوله جی علسکا -
ندروس و جنوباً رقیه خانم باغیرله محدود مع کلبه
درت دوم ، بر اولک ، یوز آرشون بر قطعه باغ محلک
اوج حصه اعتباریه ایکی حصه سی بالمزایده بشیک
غروش بدل ایله طالبی عهده سنده تقرر ایتمکه موقت
قرار داده سی کشیده قلندیغندن و تاریخ اعلاندن اعتباراً
اوتوز برکون ظرفنده احاله قطعیسنک اجراسی مقرر
بولندیغندن یوزده بش ضمیله طالب اولانلرک ودها
زیاده تفصیلات المقی استیانلرک چکمه صغیر بدایت
محکمه سی اجرا دائره سنه مراجعت ایملری اعلان
اولنور .